



VIZA ZA ULAZAK U BIH

Da biste saznali da li Vam je potrebna viza za Bosnu i Hercegovinu, molimo vas da pogledate sljedeći link i izaberete zemlju čiji ste državljanin:

http://www.mvp.gov.ba/konzularne_informacije/vize/Default.aspx

➤ Uslovi za dobijanje kratkoročne vize (viza C)

Viza za kratkoročni boravak (Viza C) omogućava strancu tranzit, jedan ili više ulazaka ili boravaka u BiH. Nijedan neprekidan boravak ni ukupno trajanje više uzastopnih boravaka u BiH ne mogu biti duži od 90 dana u bilo kojem periodu od 180 dana koji podrazumijeva uzimanje u obzir perioda od 180 dana koji prethodi svakom danu boravka.

Za dobijanje vize za kratkoročni boravak (Viza C), koja se izdaje za jedan ili više ulazaka u Bosnu i Hercegovinu, potrebno je lično predati sljedeće dokumente:

- **Važeći pasoš** (rok važenja pasoša mora biti duži najmanje 3 mjeseca od važenja vize koja se traži).
- **Zahtjev za izdavanje vize** – čitko popunjeno i potpisano.
- **Dokumentacija kojom se dokazuje svrha boravka u BiH** (originalno pozivno pismo ili turistički vaučer ili druga relevantna dokumentacija propisana važećim Pravilnikom).
- **Fotografija u boji** veličine 35x45 mm koja vjerno prikazuje nosioca putne isprave.
- **Dokaz o posjedovanju putnog zdravstvenog osiguranja**.
- **Dokaz o sredstvima putovanja i namjeri boravka** (povratna putna karta, dokaz o posjedovanju novčanih sredstava u zemlji boravka, dokaz o zaposlenosti, bankovna potvrda, dokaz o vlasništvu nekretnine, potvrda o školovanju ili druga potvrda o profesionalnom statusu).
- **Ljekarsko uvjerenje** kojim se dokazuje da osoba ne boluje od zaraznih bolesti, ukoliko dolazi sa područja na kojem vlada epidemija zaraznih bolesti.
- **Dokaz o uplati konzularne takse**.

Pored navedenih dokumenata, službenik Ambasade može tražiti i dodatne dokumente u svrhu provjere navoda o putovanju

Zahtjev za izdavanje vize podnosi se najranije 90 dana, a najkasnije 15 dana prije datuma namjeravanog putovanja.

Sva dokumentacija koja se prilaže uz zahtjev za izdavanje vize, izuzimajući putnu ispravu, ne može biti starija od 3 mjeseca.

➤ Uslovi za dobijanje dugoročne vize (viza D)

Viza za dugoročni boravak (Viza D) omogućava strancu ulazak i boravak u BiH u periodu od 180 dana u toku jedne godine i omogućava strancu podnošenje zahtjeva za odobrenje privremenog boravka u BiH. Viza za dugoročni boravak izdaje se izuzetno u situacijama kada je za svrhu boravka u BiH potreban period duži od 90 dana u periodu od 180 dana.

Zahtjev za izdavanje vize D podnosi se lično najranije 3 mjeseca, a najkasnije 1 mjesec prije namjeravanog putovanja.

Pored naprijed navedenih dokumenata za izdavanje vize tipa C, za izdavanje vize D potrebno je dostaviti i **potvrdu (dokaz) o razlozima boravka u BiH kojom se dokazuje da je potreban boravak u BiH duži od 90 dana u razdoblju od 180 dana.**

❖ Maloljetne i druge poslovno nesposobne osobe

Za maloljetne, odnosno poslovno nesposobne osobe, zahtjev za izdavanje vize podnosi zakonski zastupnik ili staratelj i uz zahtjev prilaže:

- a) izvod iz matične knjige rođenih maloljetnog stranca, ako su roditelji zakonski zastupnici, ili
- b) odluku nadležnog tijela o usvojenju, odnosno starateljstvu.

Za maloljetnog stranca koji putuje bez pratnje zakonskog zastupnika ili staratelja, uz zahtjev za izdavanje vize prilaže se ovjerena saglasnost zakonskog zastupnika ili staratelja, koja sadrži:

- a) osobne podatke o zakonskom zastupniku ili staratelju,
- b) svrhu i razdoblje boravka,
- c) period boravka,
- d) razdoblje na koje se izdaje suglasnost,
- e) potpis zakonskog zastupnika ili staratelja.

Saglasnost mora biti sačinjena na jednom od jezika u službenoj upotrebi u BiH, engleskom ili francuskom jeziku ili priložena na drugom jeziku uz prevod i ovjeru od ovlaštenog sudskog tumača, a ukoliko nije lično data pred ovlaštenim službenikom DKP-a BiH, potpis zakonskog zastupnika ili staratelja mora biti ovjeren od strane nadležnog tijela.

Opis konzularne usluge	Ukupno u EUR
Jednokratna kratkoročna viza (viza C)	60,00
Višekratna kratkoročna viza (viza C)	60,00
Dugoročna viza (viza D)	95,00